

甌北集（下）

附錄

一 甌北先生年譜

二 趙翼生平與傳記資料

三 甌北全集序跋

四 輯佚

（清）趙翼撰 曹光甫 校點

趙翼全集

陸

鳳凰出版傳媒集團
鳳凰出版社

甌北集（下）

附錄

- 一 甌北先生年譜
- 二 趙翼生平與傳記資料
- 三 甌北全集序跋
- 四 輯佚

趙翼全集

（清）趙翼撰 曹光甫校點

陸

鳳凰出版傳媒集團
鳳凰出版社

附錄目錄

一 甌北先生年譜 (一)

二 趙翼生平與傳記資料 (二七)

甌北先生家傳 姚 鼐 (二七)

清史稿·趙翼傳 (二九)

清史列傳·趙翼傳 (三〇)

國朝先正事略·趙甌北先生

事略 李元度 (三二)

文獻徵存錄·趙翼傳 王藻 錢林 (三四)

湖海詩傳·趙翼傳 王 昶 (三六)

持雅堂續鈔·趙翼傳 尚 鎔 (三六)

趙甌北府君墓誌銘 孫星衍 (三七)

西蓋趙氏族譜序 程景伊 (四一)

附錄 目錄

趙翼傳 (四二)

甌北老夫子七十壽序 費 淳 (四二)

甌北先生八十壽序 費 淳 (四四)

嘉慶元年欣逢甌北恩師大人七旬榮誕

需以奉職霜臺不克登堂鞠靨敬賦長

律用展頌忱 汪承霈 (四六)

甌北先生八十壽詩 (四七)

歲在甲辰保泰始謁見先生於揚州書

院略分忘年宏獎提挈洵更寒暑者

將十載迨歸休家巷杖履雖睽音塵

不隔諸公子亦託契紀羣嫵姪末誼

情好遞深蓋非復文章聲氣之緣也

捧觴三度魯殿歸然海內耆英晨星

益朗繼聲有誦謫陋自忘誠不敢強

飾浮詞泛陳諛美故于向日迴翔館

閣及褰帷叱馭之雄文偉績續慨不贅

叙爰即近年來嘯詠歸田之樂并意

所有待者以致養頤之願用效祝嘏

于無疆云爾……………李保泰(五〇)

恭和太老夫子大人重赴鹿鳴

原韻……………吳孝銘(五一)

恭和甌北世伯大人重赴鹿鳴

原韻……………李慶來(五二)

恭和甌北叔祖大人重赴鹿鳴筵宴

原韻……………趙懷玉(五三)

挽甌北老前輩

古學津梁……………吳錫麒(五三)

頤養書腴

斗南耆宿……………阿桂(五四)

耆儒

……………費淳(五四)

三

甌北全集序跋

趙甌北全集序

重刻甌北全集序……………恒訓(五五)

……………丁寶楨(五六)

四

輯佚

重刻趙甌北全集序……………伍肇齡(五六)

趙甌北七種序……………唐友耕(五七)

甌北全集跋……………楊柄鉅(五七)

西蓋趙氏族譜凡例後識……………(六〇)

趙濟川故浩然處士趙公暨王氏孺人墓

誌銘後記……………(六一)

明按察使趙敵傳書後……………(六一)

禹九公家傳……………(六一)

節母錢孺人傳……………(六四)

族弟婦周氏小傳……………(六四)

亡室劉孺人傳……………(六五)

繼室程恭人行畧……………(六六)

節婦張氏傳……………(六八)

族侄婦陳氏小傳……………(六九)

節婦楊孺人傳……………(六九)

族侄尋高小傳	……	(七〇)	致費中堂書	……	(七六)
亡兒廷偉小傳	……	(七一)	自題畫像	……	(七七)
族孫敷廷傳	……	(七二)	松泉文集序	……	(七八)
族再孫肖松傳	……	(七三)	與李雨村書	……	(七九)
惟衡暨配沈氏行畧	……	(七四)	附 答趙耘松觀察書	……	(八〇)
族兄聞六小照	……	(七五)	淨德禪師行略	……	(八一)
九齡族兄小照	……	(七六)	重建天寧萬壽寺前殿碑記	……	(八二)
普免錢糧謝呈	……	(七七)	甌北控詞	……	(八三)
重修奉先祠記	……	(七八)	書札三通	……	(八四)

甌北集卷二十七

辛丑、壬寅。

上元夕毘陵驛前泊舟與蓉龕前輩看燈

聯舟小泊運河濱，正是元宵節物新。邀月恰邀邀月客，看燈兼看看燈人。官符不下城門鎖，使節猶遲驛騎塵。冠帶迎賓尚游戲，可知都是野鷗身。時陳玉亭制府將過，同出逐之。

浙遊晤王惺園少宰留飲試院即贈

蕩節頻臨浙水邊，聲名官職兩巍然。才收東箭無遺美，官與西湖有宿緣。剪韭一樽欣此夕，踏花三騎記當年。紅雲袍笏青山屐，公作天仙我地仙。

附 和韻

王 杰

勝日嚶鳴芳樹邊，開尊一笑共蹁然。會當別久添豪興，話到情深淡世緣。君以著書消永日，我因將母記行年。曉眠有味真堪傲，跼蹐羞儕紫府仙。

謁雲巖公賦呈

去年見公淮陰城，公方底績河堤平。今年謁公浙江驛，公又專膺捍海責。禮絕朝班爵上公，勤勞亦復少人同。南征北討西平後，又奏河清海晏功。兩間落落數大事，盡出一手經營中。感公念舊迎倒屣，問我家居近何似。腐儒前身是蠹魚，寢食不離文字裏。自知學海尚迷津，妄想名垂著述身。當公百戰戰強敵，我亦百戰戰古人。堪笑毛錐不自量，遂欲與公爭千春。公遇狂生亦磅礴，肯出奇篇倒行橐。虹光燭天霞滿空，掩盡熒熒萬火燭。公乎幸勿再佔此，留與腐儒稍立脚。

和敬輿見題拙集之作

一編寧復賭時名，聊遣閑愁自課程。身到罷官如敗將，詩因遇敵想交兵。才無列宿胸羅富，味憶沉香鼻觀清。多愧故人虛獎借，尚嫌熟處未求生。

迴憶燈窗萬卷橫，舉場同試鬪心兵。我如落葉飄京國，君早栽花遍縣城。記壬申同會試事。歸免飢寒貲已幸，官無謗讟政粗成。兩家都是青氈舊，寧羨黃金積滿籬。

同是忘機息漢陰，尚嫌衡宇費招尋。余與君相距五十里。睡餘夢獨留甜味，吟就詩誰識苦心。偶遇桑爲三宿地，擬栽竹作七賢林。吾州故事傳皮陸，曾共蓉湖泛水深。

先生淵默口斷斷，閉戶遙探學海津。老感林逋呼鶴子，君尚未有子。才輕李賀號蛇神。嗜痂有癖偏私我，拾唾無靈肯乞人。北郭自來多勝侶，便應結社托閑身。

附 原作

劉 欽

禁中紅藥擅聲名，半壁天南歷宦程。華國文章兼練政，活民經濟更籌兵。笑談邊月戈鋌靜，宣播皇風瘴癘清。頌有摩崖碑墮淚，歸騎款段一書生。

才真雄霸氣縱橫，譬似淮陰善用兵。經史佃漁收學海，江山囊括入詩城。盤花錦費千絲就，候火丹還九轉成。官自退歸詩律進，多藏富豈在經籙。

把卷疏窗坐月陰，宵燈一穗耐披尋。奇思每未經人道，快句常先得我心。香爲韋郎凝燕寢，名應白傅播雞林。怪君直視榮名淡，書味胸餘蔗味深。

稱詩談藝齒斷斷，誰探玄珠學有津。不立戶庭真廣大，如逢敵壘轉精神。十年強項爲清吏，一表陳情見古人。報答君親兩無憾，江湖著此醉吟身。

四月初一日營葬事於馬蹟山禮成敬誌三律

頻歲憂窀穸，今纔構一阡。湖山傳馬蹟，塋兆得牛眠。丙舍營猶待，瀧岡表僅鐫。可憐安厝日，已是服除年。

多謝術家言，佳城蔭後昆。敢因藏父母，更想福兒孫。祭掃編家法，哀榮紀國恩。他年吾祔葬，死亦奉晨昏。

色養慚多缺，惟茲地頗佳。神靈應陟降，山水最清華。或可垂千禩，何須置萬家。惟期一廬築，終日

誦楞伽。

爲長兒娶婦

五十始稱翁，今朝喜氣重。何時畢婚嫁，從此學癡聾。花燭粗成禮，門楣冀亢宗。朝衫吾久疊，一爲啓塵封。

將人都留別荅龔荅溪秋園敬與緘齋諸人

幽棲十載穩江鄉，忽被鑼聲催上場。有幾故人皆白髮，多年老婦再紅粧。連宵置酒煩驪唱，往日聯裾似鴈行。別後定知真率會，也應爲我一停觴。

途次先寄京師諸故人

防墓粗完四尺墳，四月初間，營先母葬事畢。此身敢遂鹿麋羣。縱貪野笠非高士，未忘朝簪爲聖君。柔櫓輕搖南浦水，征衣猶帶北山雲。最憐手植成圍柳，臨別依依縮夕曛。

身托循陔十載閑，本期再出玷朝班。敢憑奉母三遷里，便作辭官六聘山。行笈封題新字濕，朝衫拂拭舊痕斑。只慚經濟無毫髮，終恐虛糜廩粟頒。

歸田幾度荷垂詢，此誼難安作隱淪。千里火雲衝暑路，滿頭蒜髮出山人。跡同熱客心殊愧，恩在寒儒感最真。敢以孱軀怯鞍馬，向來筋骨本勞薪。

一出春明廿載遙，衰遲敢復逐時髦。江文通已無殘錦，藍采和惟有舊袍。仕宦幾家收局好？聲名平日在山高。祇應晚節供描畫，共笑巢由下拜勞。

喫過鯽魚始出門，問渠何事戀江村。家貧婦或勞兼婢，身老兒還小似孫。惘惘可憐原俗態，悠悠相望也銷魂。始知膽力非年少，愧以孱羸說報恩。

計拙謀生事事癡，年來漸少宦餘資。百千輕擲鄰空買，什一纔營鬼已嗤。好友誰能困粟贈，腐儒終仗俸錢支。此情早被人窺見，他日將毋改素絲。

最憶天南邕管城，淳風回首有餘情。與民共享庸庸福，在任原無赫赫名。父老爭先輸稅足，吏胥都學作詩成。一麾若得教重蒞，或有樂公社酒清。懷鎮安也。里人余存謙宰是郡之天保縣歸，具道士民見憶，故及之。

京華舊雨昔經過，月下花前有雅歌。一別遂憐同調少，此行重喜故人多。談心定費杯浮白，見面應知鬢總皤。莫笑我曾爲俗吏，尚餘狂態未消磨。

所見

後船無數向前過，忽喚開帆也打鑼。連夜縱添雙槳趕，可憐他已渡黃河。

高郵弔毛惜惜

本娼女也。南宋末，城破後，賊將呼之侑酒，大罵不屈死。

死忠事豈責蛾眉，樂籍偏成此段奇。聶隱技空稱俠女，海青身尚是男兒。胭脂香慘花爲血，環珮魂歸月浸屍。多少鬚眉盡何處，並無凝碧暗吟詩。

將至臺莊忽兩臂頓患風痺客中無醫徹夜酸痛迴舟歸里感成四律
情見乎辭

陸程正擬上征鞍，忽中風痺兩手攣。人笑暮年重出仕，天將衰疾教休官。曲肱已碍牀安卧，折臂翻如石自殘。灼艾連朝凡幾炷，可憐徹骨夜呼酸。

辦裝約畧百金縻，已是寒家一歲資。窮命錢常爲小祟，旅途病恐誤庸醫。聊欣迴棹成歸路，從此將官換作詩。只有君恩慚未報，痿人終望起殘肢。

憶昔從軍絕徼秋，擬憑赤手縛蠻酋。曉涵瘴水羊渾脫，夜枕腥皮虎髑髏。弓爲臂強翻覺軟，檄當腕脫尚能遒。如何一副幽燕骨，今日衰殘作贅疣。

來往郵程一月期，歸航仍繫綠楊枝。里鄰笑客原輕出，猿鶴催文已久移。散遣僮奴佳處去，收藏袍帶祭時披。慚他斗酒山妻話，枉費臨行餞伏雌。

歸舟過淮晤程晴嵐留別

赴官羞問野鷗亭，歸路相尋此暫停。興盡迴舟偏訪友，功深閉戶正窮經。故人見面多垂白，名士成書未殺青。臨別更煩堅後約，秋風并舫泊西泠。預訂秋間並游西湖。

夜過京口

病體歸心兩不寧，扁舟乘夜過江亭。暗山不辨幾多樹，遠火又添三兩星。臂折正如垂翅鳥，眼昏猶愛映書螢。還鄉正是黃梅候，且喜連朝澍雨零。

蠹魚

歸里閑無事，仍尋亂帙繁。蠹魚走相告，此老又來翻。

觀插秧

扶病東阡一倚筇，分秧愛看綠茸茸。我因無俸思勤稼，人笑非官也勸農。整隊似申軍令肅，鞠躬豈習禮容恭。祇餘袖手閑觀處，心愧泥塗戴笠傭。

晚涼

噪罷蟬聲過夕陽，綠荷池畔坐繩牀。懶人貪睡三竿日，不領朝涼領晚涼。萬里無塵淨碧空，一稜微吐月如弓。天憐病臂難揮扇，特送花南一陣風。

中庭坐月

移得紗幬小院旁，中安一榻卧乘涼。
惹他四面蚊忙煞，眼看冰肌不得嘗。
甕天窺處得雄談，仰看穹霄正蔚藍。
十丈空庭圍不住，銀河流出粉牆南。

養疾未愈書感

經時衰疾卧江天，芒角空煩到酒邊。
老我頭顱將壓雪，看人圖畫到凌煙。
蒼生猶或期安石，聖主何曾棄浩然。
自是書生貧薄命，晚途只許托林泉。

御屏曾荷記微臣，何忍江湖作隱淪。
如許百年空付我，徒將萬卷去驚人。
看花紫陌懷前度，種藥青山過此身。
歲晚滄江幾回首，卿雲五色麗高旻。

漁翁

網得修鱗佐晚炊，小舟如葉夜歸遲。
一天明月秋江上，可惜漁翁不作詩。

寓齋聞歌

此鄰歌管出樓臺，此老蕭齋獨引杯。
明月不嫌茅屋陋，夜深一樣上窗來。

舟過無錫再晤晴沙

故人相見倍情殷，爲共心期托野雲。誇富黔婁應讓我，論高子伯豈如君。夜闌燈火愁雞唱，歲晚江湖感鴈羣。便合往來成二老，春山同踏落花紛。預訂明春惠山之遊。

小園

小園不設繚垣遮，麕眼籬編六枳斜。一樹桂花風過處，聽他香到別人家。

散花曲

空中捉花究何有，老來好色惟在口。偶然闌入烟花場，肯避風流作迂叟。就中聲價推珠娘，一笑千金擅名久。知是詩人杜牧來，不惜紅顏娛白首。滿屋明燈照綺筵，風光如夢夜如年。冰絲調曲彈銀甲，羅帕求詩代錦箋。背燭暗將眉語遞，分杯更把口脂傳。美人能有心在，標格先高錦瑟篇。推上牙牀誰惡友，欲試阿難禪定否。豈知嚼蠟抵橫陳，往日劉伶已止酒。完璧還君繫臂紗，鬢絲禪榻感年華。一場遨管靈山會，辜負天仙爲散花。

蔣立菴太守白潁川歸相見話舊

廿年重此對清尊，披豁依然氣誼真。詩社正憐無好友，宦途今見有歸人。八騶開路聲初寂，兩鶴回

家力未貧。歸有二鶴。只恐徵書催赴闕，未容伴我醉江春。

聯翩兄弟鴈行如，都是司農舊澤餘。謂尊人曉滄師。門望高須重列戟，國恩深忍早懸車。酒泉人喜成

歸計，令兄南莊自塞外歸。醴水官新得美除。令弟雲驤新宰醴泉。季虎頭龍俱不弱，況君名更御屏書。

京華履舄日經過，回首纔如一刹那。細數故人多作鬼，時聞朱竹君下世。笑看新婦又成婆。余初識君時，

君尚未冠，今君（一）公郎且抱子矣。紅雲天上三更夢，白髮樽前一曲歌。不覺對君誇老輩，魯靈光殿漸巍峨。

各出新詩細校讎，書生結習故難瘳。庸知閉戶成玄草，何似褰帷擁絳騶。沈約集中難作賊，班超筆外有封侯。期君終在功名路，此事留儂遣白頭。

【校】

〔一〕今君「君」字原闕，據壽考堂本補。

悟徹

悟徹吾生也有涯，何妨隨分樂年華。諸兒夜讀書連屋，數畝秋成稻滿車。年老香山猶望子，囊空杜甫慣攜家。閑將多少詩人比，才不如他福勝他。他字入六麻韻，見楊誠齋集。

朔風

江天連日朔風高，催贖先生敝緼袍。一笑化機誰識得，樹方落葉鳥添毛。

觀穫

共淬彎環似月刀，折腰謀食豈辭勞。三冬聊免人枵腹，幾日驚看地不毛。伺間鵝鶩闌界入，聞聲蚱蜢出疆逃。偏災明識秋成減，尚想倉困比舊高。

依舊平疇方野痕，疏行一一見陳根。遭風今歲多禾弟，呂覽：禾先生者爲米，後生者爲秕。故稱者長其兄而去其弟。過雨他時有稻孫。稻已穫，其根得雨復長曰稻孫。米芾取以名樓。見說苑。人似翅開飛蛺蝶，擔稻者酷似。蝗如樹倒散猢猻。稍欣計日堪催釀，黃葉秋風正打門。

贈荅龔

年壽疑彭祖，肌膚似藐姑。我尋高士傳，君豈列仙儒。曾握量才尺，曾典試貴州。猶多記事珠。故應鄉祭酒，領袖此粉榆。

前輩風流在，吾鄉只此翁。無錢偏作達，每事必求工。具饌常留我，論詩輒憶公。何當一爐火，相守歲寒中。

莊蜚英同年索詩戲贈

里社尋同榜，南華有散仙。居官甘下考，娶婦已中年。食是書中粟，歸無俸外錢。曾嫌折腰苦，偏折鏡臺邊。

哭杏川老友

五人兩已入重泉，白峯、廷宣俱早世。此友何堪復棄捐。序齒本推君巨擘，賭文曾飽我粗拳。老懷正托留髡酒，後會長虛訪戴船。太息舊交誰得比，看儂出仕到歸田。

相隨履跡鴈行齊，曾憶同聽半夜雞。末路身爲村學究，多年伴似老夫妻。尚貪舉業三條燭，今夏尚赴歲試。遂了儒餐百甕虀。痛絕夷槃臨含處，一燈如豆朔風淒。

殘牙能啖肉盈斤，方謂天教健補貧。誰料汝爲長夜客，始驚我亦暮年人。白楊蕭瑟魂安托，玄草飄零字尚新。同學弟兄亡過半，此身雖在已傷神。

生事

生事漸蕭然，年荒剩石田。薪燒連葉樹，飯待作碑錢。僮少將兒使，家空恣犬眠。微聞奴輩話，列鼎服官年。

歲暮雜詩

頻年出處兩躊躇，病廢今真守敝廬。身退敢談天下事，心齋惟對古人書。蓋頭有屋新編草，食肉無錢慣茹蔬。預擬明春看花會，門生兒子昇籃輿。

屏跡無端羨宦游，天將衰疾遣迴舟。此行本是蛇添足，垂老何堪馬絡頭。野徑重支棕竹杖，朝衫仍